

Die Göllskuer.

En Krieg warn die Leut be dör Ärwöt knapp.
Die Kenn on die Alle sprange trapp
On schaffte von ön Hoedölstoi
Ös unentbehrlech Rhüehö hoi. -
Do predecht dör Pfarr:En dör allörgrüßt Nuet
Wär hä vörleicht ach för äbbös guet,
Tät hä en dör Ärwöt ach nit viel tach -
Ä bessle nochgöräch könnte ach.
Dör Meenzör nuhm ün gleich ben Wuert,
Obör ön Pfarr hot ä wink göstuert,
Daß dör Meenzör so sakömentiert.
Hä hülf ün gern,bann doe nis passiert.
Dos hat där hoch on heilech vörsproche,
Nit blues för en Tog,~~gex~~ gleich för ä ganz Woche. -
Dör Pfarr,dör Meenzör on se Fra
Hon ä präma Göspann göga.
Die Ärwöt ging bi o ön Schnürle
On sie mochte ä ganz schüe Führle.
Dör Pfarr hot dörbei se Predech studiert,
Thema:Bimme die Mensche von Fluche kuriert.
Of oimöel söt die Meenzöre:"Mo,~~xxxxKüexxiexxexx~~
Ons Küe die zerre ken Straank mi o."
Sie red met dör Küe gor führnahm on fei
On dör Pfarr go sen fromme Text met nei.
Dos hot die Küe nit intressiert
On dör Meenzör wär bal explodiert!
Ä log of ön Fuhr on stöhnt göwaltech
On bat vörzeifölt:Herrgott,hal mech!"
On schluckt göfährleche Wörtör no
Die drockte ün ös Häz bal o.
Do moent dör Pfarr,dos könntme nit dörseä.
Hä wäll ä wink of die Seite geä.
Bann dör Meenzör moent daß hä so bässör führ,
Sölt ös en Gotts Nome of sei Ort probier.
Dos wor dänn Wassör of die Mühl
On hä lät lues met Hochgöfühl:
"Ja,Himmölherrgottsakörement!" -
On ab ging die Post on die Nuet hat ä End.

bitte wenden

So ä Wuert hot halt Gëwicht!

Dör Meenzör strahlt übör ös ganz Gëssicht:

"Herr Pfarrör, jetzt hon sie ön Onnörschied gösiä -

Sie vörstänns met dör Leut, on ich met men Viä.

++++++